

集部

欽定四庫全書等部

東洲初稿卷一

詳校官庶吉士臣李如筠

中書臣劉源溥覆勘

校對官助放臣小惟古 總校官庶吉士臣 何思 腾跃监生臣金 柠 魡 たこり事を与 欽定四庫全書 東洲初稿 提要 勝有中庸行義己若録明史本傳稱良勝除 卷為雜文第八卷為詩第九卷為考定皇極 禮諸疏俱在今己不傳此其詩文集也前上 名以後輯其部中章奏名曰銓司存稿 臣 等謹業東洲初稿十四卷明夏良勝撰良 1 東洲初稿 集部六 别集類五明 凡議


金八日人人 南巡下獄疏奏詩文及同時諸人投贈中 指掌諸圖第十卷為天文便覽自十一卷以 卷以前皆題門人滇池羅江編十四卷則題 之作十三十四两卷雜録家居詩文自十 十二卷詩八卷與此本卷帙互異然此本題 下皆題曰仕止隨録十一十二兩卷雜 人鍾陵江治續編明史藝文志載東洲 到於正徳十五年其嘉靖以後 録 稿 救

勝 咸未之及史所傳者始其全集之卷數數 而皆嶽嶽有直氣雖不以詞藻著名要非 華繪句之士所可同日語也乾隆四十四 雨以直該謫風節凛然其詩文無意求 月茶校上 THE STREET 總 總纂官臣紀昀臣陸錫熊原孫士毅 官 臣 陸 費 雕

欠足四事 全

東洲初稿

ت



灰足四車全書 1 未備下此可知已唐韓子以文起八代之衰因而適於 猶天之不可陷而升也是後有莊子篇章次第跌宕豪 古文自尚書周禮儀禮記論語繁易辭旨大聖人之作 放亦文也然肯於道所貴於道者得於心而通於政也 不得當作者之聖而列諸經數夫以孟子之文而猶有)政皆畫一法鑿鑿乎其可試然以制器有未備焉固 以制作可以施措若孟子七篇其論身心之學教養 東洲初稿

道史臣推尊以配孟氏豈獨以其文哉觀其忠犯人主 夏君于中因言事與余同南還舟中日久示以東州初 學蔽以夏君之明惟取陰陽爻畫求之則所以制作所 極縱橫布置不出八卦起首盖知象數也余當惜邵之 有物之難窮也其贈送賦述絕時俗空言不類而奏疏 以議綽綽乎通于政也非有得於道者邪所論邵子皇 >怒勇奪三軍之帥類非尋常文墨者所能也吾同年 .凡若干卷閱之旬月驚曰富哉無物之不有也奇哉

其終正徳十四年六月下弦日賜進士及第永務郎福 建市舶提舉司副提舉前翰林院國史修選進賢梓 以施措可 於芬道德事功相期之至者因初稿謹書此以俟 錢塘舟次 吐於文矣别兹行也有玩心高明之地哉

人とり見た世

東洲初稿

		CONTRACTOR OF THE PARTY.	Market Committee	
				金女正月月
		1		1
!				na
<i>'</i>				炉序
	1			
1	1			
		1 . 1		
		·		
]]		
			,,	

又正日日在日本司 **東京教育 は日本の 様のないの** 五省各門自然衛門送 然子中在江西江西村村 三 はおいれては最初 東洲初稿 「種類語のルー 謂中州君曰夫二 旫 夏良勝 撰

電丹汞未老琪樹交花蹴爾瑶草有鹿斯迎有猿斯導 為洞為崖為樓為臺若鈞天王都宛然在眉睫而不 根萬象入目水蒸釀魄天光倒浸蛟妖蜃怪鰲側鯨駭 為楫放乎中流與風疾徐隨波上下惟適所如四顧 以陷雖膽掉 楫可到是曰三島方丈流洲達來未掃曰井 瑟惟鳴所好童服清與鵠侍有道鬚髮如畫顏 神痺瞋目尸坐中望隱隱蟻浮盃停梗泛)勝也而往觀之刻桂為舟則崩 可 無

鱼分四月五十

次定四車全書 望於砥柱也耶吾當以山自西來天地有判恣一蹇之 **羨門王喬亦松不約而來錯雜廳下於是知神仏果出** 海奚疑周卜協古鎬都曰宜歷泰與漢自唐及隋相禪 在冠控桃林扼藍田漆經于東沮經于西千里沃野陸 觀其盡是也蹈危犯險以究荒忽茫昧吾弗為者而敢 渥如赭羽衣霓裳燕越黛治凫舄鳳騎雲車鶴駕安期 於塵想而秦皇漢武所以慕而求之也西遊子曰子之 一僕之幹是陟大華而俯视於長安終南為表牛首 東洲初榜

奢猶有存者有願其單有椒其丘披香蔥草噴氣正洲 粉光残流腻香荷屋葯房綠以芬芳朝可過日夕可延 穀疏綺金玉其班由閣迴廊飛喪雕聞周遭其問絕壁 明庭深宫别殿離寝翼亭崇指楩枬其材丹堊其頻紋 建章長樂未央翠微大明阿房華清與夫石渠金馬天 明冬毳爾温夏浴其米因人之勝而奪天之靈彼甘泉 屋摇摇速思動問不觸而遺構故築遺風餘俗紛華競 于兹獸擴烏棲惟智攸堅狂或含之廟曰既泰社曰既

年りで

高貴餘粕知者不道二子將不能上下矣碩子不朝遊 飲定四車全書 在洛之陽天地所會陰陽所藏嵩丘隆居伊經中贯百 間將置海島於度外矣中州君曰神仙有無愚者感馬 短才相如杜牧不足以盡上林之奇哉吾思得周遊其 禄麒麟之名入煙光而麗繁星每怪夫班生未辨張子 見於曾中而不妄二子曰有是哉中州君曰藐躬之 爾鳩孕莫之具狀試舉巨麗之殊絕者而與子講夫柱 不轉觀舉目而望真意在類是砥柱之壯將吞二子所 · 東洲初稿

其所至若揮雲逐雨擎霧去霞宿月落星風殿號下睛 像其巅摩天之連續錯其趾奠河之底岍岐将之太行 空濛濛惟幕可架朝齊未斷削出嗟呀欺雪山耿米谷 驅馳御主於僕遠應近瞻頗氣使虜可怒可訾而莫違 之在中流也廣非逾勘高不逮華以為金耶火不可冶 以為石耶溜不可瀉惟孙撑於寒穹而混碧於長空想 比之雷首壺口析城王屋以輔以翼以引以縮若振業 下視巫峽之非險而鐵崖之在陸其所足多尤據黄河

欽定四庫全書 9 合綿豆萬億而柱之此然適要其會亦有嚴崖傾敬間 出塞弱不負於問磨黎此崑崙突起中高四下東北潰 **硲逶迤崚帽呀钦随所附麗然而望之不可登濟之不** 伊始龍門湮淪流沙孟津華陰洛汭涇渭並齊九河分 運而與積石相比忽衛于關為清海徒潛行地中濁流 **嚙伊那欲究其源之出也亦不知其幾何止藉有泉殆** 駕山轟豗翻海荡沒躍躍金璧澄澄綺羅擊射撼震 百餘以火敦腦兒水母乃生是星宿海自天而受龍西 東洲初稿

致之膏舄鹵就臠切而厭飲於口脂若夫夏木蔽光殆 鮪鱧鱔蝦之類一有員固則若水府所畜天吳所妬大 **虎之關風霆之顛帝王屈力匠氏點巧終不得以斧** 岩絕網歷星鉤針亦何所指釣徒榜人垂涎采順安能 **凫齡芒有鄉乎珠有藏文身跛足毒螭靈鼉鱮鰥鰆** 安得供三丘而彌難以至浮鷗浴鶴濯鷄吐鸕落鴈漂 不可章句命以延若倚若眠若犇若騫根紋枝壓若龍 繫故禽獸是尾萬翼千蹄射彈奚端而畢羅不至又 次定四車全書 7 滔莫知所裁擬斯柱者幾何人哉中州君無較也無較 者言大而非夸夫二子真不速也耶嗚呼噫嘻流俗滔 推遷是故大人君子忠臣義士振爾頹波奮激陳義不 而尋馬是所託也猶然固宜歷古今窮造化無尺寸之 也益以傷子之懷 先生喟然嘆曰予東西南北人也固知中州君探禹穴 將舉是而名旃爾二子之所見者視此為何如馬稽古 知刀鍋鸬錢之在前而任天下之重足以扶危而持顛 東洲初稿

或曰心之放也欲誘之於外也放而求之也理存於内 内亦外也而不可見者外亦内也欲也理也皆不得而 **未見其入也非無出也馳千里以彌六合皆其外也** 也其然乎曰皆内也盖其放也未見其出也而求之也 入也敛一 之也故心之放也與求之也皆内也如視也聽也言 可見之外也入而無內非可見之內也凡可見者 求放心論 掏以至毫髮之不可破皆其內也出而無 排

欠足日草人言 以心之欲加之於彼也因其欲而易以理馬求吾心也 視聴言動一 果之生未息也求之而復復其見天地之心乎天地之 矣故是心也亘古今而獨存者也放為剥剥之極而碩 則裂心之放也猶缺裂也反而求之則固若初為完器 無時內外之無迹也如其迹馬一器也槌鑿之失不缺 也動也外也而所以視所以聴所以言所以動者内也 固非視聴言動之理加於我也是理也欲也出入之 一於欲馬心之放也非視聴言動之有欲也 東洲初稿

背 金人巴尼西哥 樂鳥可已乎良勝曰講之道何如曰講之儀也恭其辭 粹夫何先生以講官出倅開州良勝過而唁之相語惟 如也粹夫日子知吾有樂於去乎吾無樂乎講官樂講 之有道也吾今而後知講道也失官以得道得既多矣 一融顧各貌之难吾赞之先吾面之垢吾目之若勝吾 (心也然而心之求也自敬始敬豈在外也哉 心也聖賢之心也學之道為聖賢以配天地而 講官論

大臣日軍と皆 且如與友居知其有未盡處正言以相責循或受也若 之講賢哉回也亦不可與曰伊川之可過吾之不可也 宣必以素為道乎此吾所以非也然則詞以納忠伊川 弗遂直而有緣故習以深文隱義中含諷切志於示後 冠之若岸吾衣之若敞吾聲之若時又吾於詞也質而 君曾參子貢固當脩容以動魯君也過位而色勃足躩 而未必宜於今皆非講之道也吾今而後知也曰儀之 無飭履其素也何害於道曰無飭以為已而盡飭以事 東洲初稿

金石里月白雪里 以為辱見之日且疏矣欲相益以成得乎在友不可 無預而入之深聴之不厭矣若吾則必云陛下用舎 回 况於君乎竊意伊川之講博矣而聞者止此其詞曰顔 有所依也養則無所拂也使吾儀之恭知有可觀敬 公魯君用舎如此非後世之鑒乎斯言也初若於神宗 機議動之則此心已不相字自非上知不以為弘 王佐之才而箪食瓢飲季氏魯國之靈也而富於周 此吾所以非也又况講官之職輔養君德而已輔治 如 而

於定四軍全書 图 有違臺諫之職固可舉也且人君講學豈必欲博古今 之可親親而樂與之近任之心生爲然後講之說得以 心術治道各有攸寓不必别立一段議論而薰陶漸漬 而後治可言矣此吾所以益知吾之非也伊川晚年 明性命但知學之必講知講官之可與居自有相得處 心形馬言之融知有可聴愛之心形馬知吾賢士大夫 日進馬今日進一説明日進一説聖賢語意真切簡當 入乎此必出乎彼逸欲邪僻之念潛消而點奪之若其 東洲初稿

宰執曰范純夫宜在講庭謂其色温而氣和也是或所 成吾其有大樂乎粹夫起曰臣罪當誅分天王聖明政 得矣得而去豈但已乎同志君子皆得馬則固粹夫 矣憂未歇也然以粹夫之去 而知講道之行也君他之 見亦異於前時矣吾之非也何疑馬曰粹夫於講道誠 **吾所以樂也而吾子發之** 也是知粹夫樂於去也日吾子何樂之有日樂石遠 議准贈王水部汝直

人足可与 人生可 一个十二州淮北居九周公九州居七漢十三部如舜時 京口彭城互有腹背廣陵瓜步淝水頓泗與河會流經 晉武平具籍户才五十萬隋文平陳如晉時李唐一家 係之矣古初帝王代與西北淮漢以南若羈縻外服舜 其壖而為之表也壯哉英雄用武之地南北之限輕重 之敝也自少室宗望至桐柘蜿蜒思巢湖接射陽老觀 凡經理天下曰賦與兵議者必倚江准為重而准又江 淮南漸風宋置十三路而淮南遂當其八天下户止干 東洲初稿

|漢運巴蜀取足教倉時漕山東數十萬鄭莊始議漕張 |有六百五十萬而淮南千有百餘萬勝國起沙漠中國 尚未及准而武帝徒灌夫准陽則曰天下勁兵處也後 金牙巴万 石里里 則自禹始入渭亂河輸幣九貢趨於冀栗止四百里米 戰争尺寸謝安祖逃諸豪亦母每恃為要害准是以兵 五百里總百里銍結服二三百里周畿千里故無遠賦 用兵者西以准為意魏與具晉與行堅宋齊梁與拓拔 '地如宋時然漢以前兵争止於隣壤淮無悉也貢道

火にり事を生る 以南於徐於清河以北於平原於潞以達都會漕卒 都官而漕栗之重於江淮如唐宋時江以南運於淮淮 之險我祖宗開基准甸以一區字北都既真民賦給中 晏輩轉運自江入淮自淮入汴入河入渭各以便習成 國計而憲宗中與惟裴度准蔡之績可紀宋漕四路自 三門白波自惠民河自廣濟河而大農仰給惟江淮六 百萬石末造棄淮北世忠死戰卒不能過戎馬以重江 東洲初稿

為虚莫之賦也唐鎮不預度支而漕賦始辦於江淮劉

金为正是名言 漕渠者令未止如鄭莊時而弛張法東獨詳於淮則以 者大農歲計京師無累積而漕栗至者恒不及初南北 時利與晏相出入而文武重臣總其成户曹郎以董正 番支 允計道里式師禹意特不以五百里為限耳制 事者乎又况居其地而悼三國六朝且以吊堂祖謝 淮南之威視古數倍而成賦之會不特為勁兵處也日 兵荒之故亦多矣負經世之志者重有責也而况當其 刑曹郎以治獄工曹郎以視河渠以疏泉以職提舉事 因

次宝四年全生 者也予亦曰益也彼有人馬取而友之其所有者弗力 韓之靈而增感慨者乎嗚呼淮重鎮也有事則倚以重 流也人曰具賦吾曰兵之本也汝直知乎哉汝直知乎 准益提舉事人曰散秩吾曰劇司人曰樂所吾曰非安 兵無事則倚以重賦信也吾友王君汝直筮仕水部之 此有人馬取而友之其所有者予弗若也人謂予友益 原友 東洲初稿

金グロル とこ 益也友在人者也予益益也因以損人亦損予也予弗 也而何以益予乎予之益也人之損也予之損也人之 若之也意天下之人皆予弗若也益自我也使友以予 若予也易天下之人皆弗若予也予自損也使友也以 弗若之也易天下之人皆予也不足友也友之損亦多 也予之損也非友之益乎然則益亦非友益也予以弗 予友之視弗若予也意天下之人皆予也而思以友之 **岩也予曰损友也人亦曰損也友非損予也予以其弗**

飲定四軍全書 河 成德也德以成已亦成人也皆在我者也故曰雖有絲 是不幸而遇惡必曰毋庸將自屏矣環觀某所有者無 麻無棄蒯管何人而不可友也又曰他山之石可以攻 損弗損也因以益人亦益予也友在我者也友也者以 王何友而無益也雖然絲以桑可帛也麻以草可布也 初亦蒯常類也王則石之出也石亦可器者也族之同 而用之須也故有取友也而有所益也下此而糞壤俱 若人也每為人取而友也亦每不自避而不為 東洲初稿 取

也其取也果以某為蒯耶管耶石耶顧某果不可棄為 ヨラド 是志於道德人也志於功名人也駭而疑者參之 古之士譽於天下也曰道德曰功名皆威譽也今之 反唇而訾之曰欺世曰矯俗者過半馬確然信之而和 則亦有然者也若之何未之聞也有譽若人於, /者殆無矣又其甚馬者道德自負鄙功名曰龍隨為 5壤者耶某不知也作原友以問 原譽上 也 E

於定四車全書 题 則角 徳也非今所謂功名者也古之士也一今之士也二二 通耳功名自立目道他曰迁曲為固耳是故道德功名 之士不有聞於今也雖然古之所謂道德云者可施之 功名之士不有間於今也而譽獨威於古也嗚呼欲今 耶惟不咎於今之世而師於古之人其可也若曰遠道 功名也非今所謂道德者也所謂功名云者必本之道 1士有譽於天下如古者耶則亦當何修而擬於古也 則負負者譽之來也角者議之招也是宜道德 東洲初稿

名也虚之近也進於真而越於偽也惟其人耳故譽初 譽可有乎曰可有也譽可無乎曰可無也可必有乎曰 也而况為之下者乎 以干百姓之譽在君人者猶可戒也在君人者猶可戒 已有日我未能是而稱者西如是猶可為也思所以如 不必有也可必無乎曰不必無也是何也譽者過實之 人也有日是過情也是過情也吾耻馬知事事而 原譽下

灰足马車 人生 得而見之矣得見好名者斯可矣祇恐於名者日有也 名者也次馬者好名而成之者也矜其名而敗者斯 是而後門 矣無名者謙以益也譽何能有無也好名者成也譽其 足矣復何為哉夫譽一也而譽之人有三馬上爲者無 彼譽人也其欲成人而進於真也即抑欲敗人而趨 也耶亦惟其人也耶 必無乎於名者敗也察其可必有乎噫無名者吾不)何愧馬有曰惟我有之是以譽之喜沾沾自 東洲初稿 十四

金グビルと言 言之亦未可載集也故逆作者之志私志之云徵名者 良勝弗類獲事石淙翁逾二稔矣廼辱示以石淙集皆 以名名固宜有言也言有志志自作者良勝雅不能言 名家為翁言石涂也何言乎石淙翁石涂人也故寓則 予思未及也然譽亦有二義兼之乃備問無子厚筆 初作原譽指令譽盖原毀之反也同志謂過情為譽 力不改作也更補未盡為原譽下云 石淙私志

次定四年全生 图 用惟 猶應有弗主也而何爱於廬是非弗樂所自生四方之 封先人墓而曰吾東西南北人也不可以弗識也夫墓 聞道)周啟其秘而朱要其成也然而藏諸德顯諸紫體 尚象者確而止清冽而鳴德也業也又翁之微也是言 曰東山曰濂溪曰東浆以地也曰東坡曰武夷以人也 **淙自能為勝也夫然後兼數子而以孔氏為歸也孔氏** 石宗迺言翁也謂若謝之雅而曠進之蘇則文矣吕似 一又若匪淙石罔以滋匪石淙罔以聲固非石與 東洲初稿

志非魯封千里能專而有之也翁師孔氏者非石涼所 鱼牙里瓜乙酮 為誰有矣是盖臣子之義母以有已孔氏之訓也翁之 志也詩曰他人有心予忖度之其此之謂耶 得有翁亦安得據石淙而有之也石淙不有翁天下有 有邃之為邃者矣有弗邃之為邃者矣然則君子何居 曰孔氏慮忘之而卒老翁也固有之而弗終則亦莫知 翁美翁不有石淙天下有石淙美獨巴陵京口云哉岩 演蹇

久已日年 全国 生之妙則不可窮已六經載道不類深文曲義而幽玄 費而隐曰道徒隱不足以言道君子非居邃也居道也 其有是日月寒暑山川草木之數若陰陽幹運形色化 是故非弗遼之邃弗居也今夫天地道之宗也孰不見 周旋其間岩無意國事而顯設拳衡微婉意向皆所以 要妙探之愈力而即之愈遠百揆亮采伊吕去就狄公 乎曰居乎非遂者也邃之釋文為深遠為窮隱之類也 行道也若是而曰邃也是故難乎其人也而見乎翁也 東洲初稿

金分巴人台雪 或仆或起或右以文或填以武或司禮樂錢穀進退人 翁以童子被薦登甲科歷今太牢追兼即保或出或 張水麗於世其陰翊潛孚功在社稷沈幾遠慮威在馬 物以均四海舉從桑桑廼奮庸言從惠惠廼底蹟而恢 見底縊然欲繼之雖數十易稿每似一人作者窮而變 庭追古名臣而先後之拾發六經之緒為文章疏議矢 如注項刻可萬言覆視之不易幾字皆光明正雅畢 而通其完其所以終也嗚呼翁故天地之處者也弗

次已写真人生 嗚呼五方之物水火木土而金最利也利故易四者而 有餘五物之色青黃赤黑而白最樸也樸故施四者 冠則魏曷佩委如貌則癯有內而腴噫翁為誰經之師 邃之邃居思肖之矣不然翁之庵猶在非果為邃也而 以邃名於人人也 /師與 養素庵對 立蘇先生像贊 東洲初稿 ナセ 而

儒也行儒也詩與畫又儒也墨可寫也儒不可寫也嗚 此真寫月堂者名墨也居墨也官與服亦墨也若其心 呼月堂墨而儒者耶儒而墨者耶 金以礪養白以涅大致然也素白之素也白金之質也 以養素自名必處吉凶悔各而 利則銳銳必養而後威撲則受受必養而後 善星 月堂像贊 一者也亦知命之士

運気で たんごし

人でりゅうかう 計計是之取象於魚噫魚化物也將附風雲於天之 易爾易於爾於果以地而限諸遷之而問不善與川澤 東陲計階以升於縣於州於郡於縣於晉於吳楚之 域何限人於今於古鄭刀宋斤魯削吳劍氣則使然互 赞曰太平之仁丹穴之智大蒙之信空桐之武地之為 而遷之莫適為善清白之史為世之彦昔也關西今則 爾澤尚思餘潤於美止之墟 清白流芳圖赞 東洲初稿 近

金分正屋 台書 然之策吾弗能效於國亦足以治吾家擇人任時贏得 以関凶學不克卒業亦能通晓典故以饒智界當曰計 最父石泉翁號有學士道人少席其教頗欲向理道 道 聞道人之故甚熟孤子佐請余傳其事不能以不知解 沐癬道人汝川饒惠徵也汝盱之下流為密遍邑故予 、諱溥其先有以童子起家為文人故族右於汝為 於鐵嗇童畝牧樹寝與封君丹舊居塘坑地無遺 沐淼道人 八小傅

欠日日上から 祠堂再修譜牒雅知重本而此之教諸子孫以經義於 備邊輸栗授指揮使是亦急義非徒以買譽且祭也作 禮重弘治壬子諂下脈恤輸栗授干戶正德戊辰詔 得去公府勘貸舉廢孤乏輒先往無幾微難色故成見 道每置所行旅至亦優主之士夫或稅駕館穀數日四 者然亦以可恃而生而又可繼無敢逸去而折券者孔 秩鄉人亦待以舉火歲屢儉貸者若取諸寄無抱券返 力惡大源過利為依依漸至數百戶恒尊事之若鄉有 東洲初稿

金分正五百十 費曰夫子之家事治所以為政也富怨之買也亦所以 **圭拳諸公有熊次可傳信也然而氣足於體貌任其心** 京師作待舉所期以竟成詳李少傳徐宗伯張相崖羅 周其義者也允矣伯玉年五十而知四十九年之非所 以為君子沐蘇亦知所向往而未已也與 不倦惜乎尋以病卒云 以點岸雄桀號於時冰蘇自命亦晚年洗濯幾以老 公朝

鳴為張清越雋水脱然忘累飄然出塵凌虛厲空直有 默坐理絲修翎張琴而操其上水玉珍琅風雪灑淅鶴 謂主人曰奇石也琴之友也請歸而武之置静室焚香 博尺之半首似之引五於面而十於旁四方一之外文 異而珍之顧視不已乃驗其迹面廣尺有贏背似之旁 郭公朝世傳為郭公窽墓石也故名予始見於好事家 有聲馬拊之若應馬乗以几馬薦以祖而覆之以屬馬 而理馬中虚而空馬投之而通馬受之而容馬擊之而

人工可与人社會

東洲初稿

Ŧ

藝益精乎指而示之予素不嗜玩於茲亦不減愛隣乃 神思隣之聞者皆為易聽扶服走吾室問曰易故琴乎 多云四月 百言 得以友琴琴雅樂也上而帝王下而卿相文學清修之 助予易之口洗爾心而清吾耳也惻然有感謂吾隣曰 失聲者碾馬礧馬錯雜堂無下僮必養除馬恐後惟兹 而 陶也一 已穢污之而已皆賤用也雖斷缺毀裂十百千萬無 以之珠以之發以之獨以之溷蹂職之而已馳驟之 坯也一水與火也他則塊然形樸然重以之

たいしりを上のとう 於賤用者不惜也脱有毀圻其不賴然怒者乎隣人 學清修之士則恨不能多致於堂飾為美觀直雖萬倍 何如人我兹甄之工予不得而知也主之者必郭公也 果造物之有怪耶予曰不然其廣其博其隱其質也皆 匪帝王卿相文學清修之士不近惟近於帝王 卿相文 以聲應於琴者妙馬工之巧也 巧固工之業主之巧者 士咸珍之珍琴者未有不珍兹朝者也朝匪琴不友則 可為也外之文循可為也惟中之虛虛則容容則通而 東洲初稿 。 曰

墓石已為人用用之如求其故是一戒石也宣徒示人 多分四月 白言 而妙自天成又非工與主者能為之私恐懸重價以思 郭公墓志在古梁過齊魯必齊桓問其何故亡者亡 而中虚士夫樂與之近政通未稔而民就和大琴友 以妙而已哉隣人 可古之令有以琴治者也今邑侯楊君師獻肖之外文 一墓宜其窟而也然聞其上下伏羲文王墓尚在隆然 厦廊然而堂覧然如封守衛嚴馬祀事明馬而郭 八謖足以進日聞命矣移之政可乎日

次定四軍各馬 凡則有祖母在樂尤宜也名尤宜也孤方斬然在方 石堂盖取孟氏所謂父母俱存兄弟無故為樂之義而 題其目口郭公朝傳 安時太儒人耄康於堂甫希順母氏李斑白變變執子 從兄文瑞差穀旦即新宅廟則翼異厦則渠張寢則孔 易之者其亟奪予與子有乎侯啟行述職遂書以贈而 婦禮兄文蔚弟某相次稱態展慶燕譽之際自以 樂堂銘有序 東洲初稿 樂

也至於兄弟閱墻為篇之不如者則世固有不樂此者 那 此樂者天而以慈孝樂此樂者人也以兄弟為樂君子 於父子争國虎狼有不為者則世固有不樂此者乎不 敢預事而亦預聞自恨凉德雅酷罰獨不能得此於天 而族中美事亟欲成之於人也故銘之曰 天耶人 以父母俱存為樂也天也然亦有不相見者天也至 タロル と言 耶人以兄弟無故為樂也天也然亦有離散者五 耶是則以父母為樂君子則爾小人則否有

則爾小 欠已日年日与 也 **陟降斯堂紬繹斯義其以得於天者自頌乎柳以全** 者自規平 何頗 两問惟爾輔德亦爾文奸爾莫知擇而事也負斯目 鴝鵒砚銘 **硬鑿質以樸而逃名以頑胡假以** 則否有此樂者天而以友恭樂此樂者 舫齊詩集後版 東洲初稿 主 目而增重

隱亦二也孰謂隱者無仕之心乎仕者無隱之心乎吾 多为四月百十 於斯集也知王氏父子一之矣 於浮沉侍齊之教在耳也將不持思適而已然則任與 也欲發其義而粹以集者仲子天錫方大有濟而不滔 齊馬斯適之矣名齊居者嚴溪先生懷濟具而未忘者 水陸二也蘇於陸過以筋名筋水具也本以利濟使藏 於陸而濟之具固在也蘇以居而倦水遊者恒思陸有 平海録後跋

大巴马里 八 挫辱之狀哀毀絕聲蘇而自言曰先君可以不死而狐 故終事之缺更不及他而責於孤者有在乃搜篋中遗 多思繫繫在灰追今歸骨于塘追思往事裂潰心腑盖 楚光鋒銳氣竟平吳聲色俱厲烈如臨敵乃瞑目嗚呼 先君伏枕至革無亂言但慷慨誦詩曰抱璞孤忠還悟 平海一節先君平生精神心術所寓而榮辱進退繁馬 稿幸存自叙功次本末頗詳展誦之餘如見親應百報 痛哉此先君倅蘇郡時平海作也比狐方寸既亂不能 東洲初稿 干四

金分四月 白書 也 陲 則 海録嗚呼忠魂爨皷義氣膏鋒使非熊然峴首之勒能 移成案界舉其切要者徵之若孤書狀暨鄉哲銘誄比 之责亦可塞矣遂繕寫成帙以士夫之言問卷之 一肘腋之患大有烈馬惜紀其成者亦匠石之工之 而附亦其迹相關而事定後之言可備放也統作平 故兹録藏以示後之人庶不敢忘先人之 史君子 知之先君全勝之功建於腹心之地視戰克以弭邊 敢俟 な /艱難岩

夏自為密矣踰旬月而莠收重日耗之或歌馬或缺馬 欠已可見 白馬 圃 得而代燎馬舉火者得而代薪馬未終歲而更治者三 蘇之以木横之以竹編之以棘攟縛之以縣而蒙之以 **賓者以演於水不可堵維乃籬之或因其故或革而新** 夏子居東洲規洲之隟為圓行曠可疏果自給旦具接 或穴馬或踣馬馬牛得而場馬往來得而蹊馬宴行者 以病告夏子怫然曰惡用是耶勞吾慮費吾貨節 緝離說 東洲初稿 孟

則益以深横則益以髙棘則益以厚而藤蔓周遭若其 請再治之保無慮也夏子曰唯僮乃窮日併力以治榦 **賓友蔬果必有其直計歲出幾何殆恐費甚也壞而** 若我何有僮跪而進曰誠貴矣然朝夕而發發堂與而 茂草具財用適資馬牛與路 '功亦過半而撤之則天地不盡利而蓄吾僮者何為 不得而衝也置析木以警竟放童不得入而居行者 視昔甚密鉤衣破面人不得而近也刮毛掛角 人吾將通撒之而不國馬

多5四月 全書

大足日早 台門 矢定無審顧師勿之坐林之 其忘皮之虎也迺試之偕登於曠苑授之馬與策弓 也官既失以此復之故有善騎射名往來於余且稔恐 而勞之曰誠爾治之密也爾志之定也人思藩衛其身 心者顧不若僮於風也哉僮有言亦可受也哉 不得取也既旬而定圃人得以利矣夏子往觀之進僮 州豪俠士來佐獎邑曰鄭璟氏盖先君平海時神將 觀騎射說 東洲初稿 /視其鑲且密絡且壯吻

一者適也子之不疾驅不矜能善不獨可騎射也嗚呼世 金厂里月月日 傷貿人之災也 肉幫如封鐵蹄連錢真白義緑耳之逐奔星先飄風挽 氣未定飭未備卒然而馳則外强中乾馬之病也折 堅左指决右指拾既此連頭箙據鞍上馬得所取欲 一此耳歸而與之語曰子真善騎射也耶馬之性未馴 且按轡徐行三五匝服習故道振策一奮方瞳 矢中的而遂休聚觀者能之請繼馬曰技 |中巧也繼之屢發而否則其巧

的冠带以老督弟珩學應貢為太倉教授父新野弟 欠已日年心時 陰祖凡必舉永樂進士稱才御史祖溥者逸成化問受 光聲爽簡宗益行以亢造德成曽大夫曰原奏教諭 孫君名燧字德成浙之姚江人其先自秦漢間濟美聞 有輕像縣進必盡其技以取高位卒以壞天下而自損 者使得登場而觀子之騎與射也亦當重有感也去 (至宋號燭湖先生者舉淳熙進士以道學與晦翁善 求贈孫大祭文引 東洲初稿

年丙辰授官刑部贵州司主事司職考屬最殿大司 以光吾邦弘治壬子果以所學魁浙省士明年癸五舉 鄉之選而達者若木蘇謝公海日王公成器之曰孫氏 成均典輝學教德成邃易學嶄然頭角為行單推重時 以長任家惟力視養惟弟時懋惟吾兒時望後彬卒業 初業舉子數可弗值而德成方弱冠收疑可畏過曰吾 人士者弗稱能隱者必種德宜有後後共昌昌惟德成亦 一例得歸省素宗其學者强委業時出為名士越

金分正匠白雪

いている日といろ 於情以私承生意匪構圖是匪谷予能故多平反積案 必德成是克服命以行弭節即按令曰今日之事於法 問得貸亦問怨廷中無遊層腊之議今天子改元年録 言惠可績無上下累陞郎中明允益勵而濟以恕故刑 白公率命列其縣稱量錄緣不遗隱曲又三年陛陕西 司員外郎大司冠閔公尤異其精覈入轉章奏凡三年 如蝟倉卒數語析之若洗湔可脱去雖俠愎自護俟隟 天下獄時以江右每為當事者先意刻成處點難為辨 東洲初稿

多方四月全書 既免喪入闕仍官於湖廣司是為辛未歲同列論事輒 使者式計江右得全釋者千計天下可知也時少司冠 公每與次疑議目迎而送之過者冠滋東土蔓於甸議 臼 以肆辨而遂其執者卒降心嘆服曰老法家也其可宥 東文以華之明年故事方擬超耀尋以外艱赴及歸 輸氣係格素為順者質之失口如按字也今司冠張 贖可肆赦者具疏周詳麗恩典以出意見行為天下 洲李公在告家食每有聞必賞曰不如不吐不辱吾 太一

欠已日日八百 善少諮之曰天下之政厥刑與賦以弊民然刑而驅以 按守臣之弗詰者簡部郎偕給舎往張公特進德成而 惟其咨益下上惟其就今窮與盗遍天下宣有全閩也 窮且盗者什 官猶謂不副所期而德成曰非所望也懼弗任於所 諭屬曰法之練也惟汝賢事之理而期無比也惟汝賢 往哉疏名以應該愈日人哉會以朝雲未珍請緩期而)部按籍資堂微上之者擢以閩藩參政使督賦事同 賦以驅之者什九也別職賦者益上 東洲初稿 え 厚

哉刑曾有事願以處諸君獨燧籍於浙素不預司徒事 持以信天下及後世是先生之言亦非為德成為天 鄉以質於王謝二公俟閩賦之成於中邦又必有耆舊 也哉嗚呼徳成之欲言者非獨聞也將以為天下也天 下之言必信於天下者言之而後信也今先生以言信 白洲者言之必以德成不負先生之言為稱德成將 下久矣德成又在所板士類必先意言之俾歸道其 則壞以正庶土實未之聞也諸君其碑予職贈斯言

金分四月子書

次足口甲 白馬 也曰雲根九節蒲石之喻也曰蒲石人之喻也人獨喻 必曰蒲然石山也雲出馬膚寸之合天下之澤物也蒲 後世言也若夫草草交遊贈行之作夫豈敢瀆耶良勝 長後序其履歷以俟采馬 人他成所知布衣士也幸官同采得教伊遇且以少 下之顽物人之所喻必曰石天下之弱物人之所喻 石以生秋其零也其本固在有上品馬天下之 雲根几節詩引 東洲初稿 쿠 _

雲根九節詩祝之子懼其溺於街而思示以道也故為 者壽昌黎謂醫師以昌陽引年若其然善於觀物者矣 金父儿 推而進之愚思明柔思强有中道馬斯無疆也老友吳 於物已哉凡物之頑必鈍鈍弗銳弗銳弗動弗動斯静 懷英氏好生術居常以浦石自 喻兹届壽也同好為作 人弱必桑桑維順維順維存維存斯永矣唐子西云静 引語如此 477 大巴马目 公司 降年之數亦多矣奚以仁亦奚以壽然仁理也刑亦理 作解曰欲者古之國土以居刑也其死其不人疾不盡 刑之刑理也仁躬病死惟是生亦惟是生者吾良也良 之也喜怒乗馬好惡參馬偏聽獨任馬疑馬滯馬活不 縣而未竟也積思以決句雖然而見未必以為有也因 刑部小吏夏良勝以次提督獄事 /背曰仁壽軒仰思名義若不喻其意者既而若聞其 理之病也刑為仁病去是而明以允則無 東洲初稿 時在威夏宴休於堂 手

討君之仁也良之壽國之壽也專之不可假之而可乎 也然則仁以刑過濟以愛壽於民奚必於身况刑以 者壽弗良而天死益以壽良也哉是固乗除於數而足 金分正是白書 斯得矣得之而有之仁在左右舉之而聴於刑毒良必 於是也務之劇而聞益博賣之深而思益廣思之熟義 矣其行遂乎哉使假以煦濡而徼天之報以尚年斯殿 名軒之義懿矣然獄非聽所奚取而名於是凡刑會 ,明允以承無刑之仁亦將該曰不專與假也則非 思

詞 矣 色問忽罔威罔貨問及問來爾惟無盖庶魔於中嗚呼 天子勃罰余何辭惟皇天降才於余匪通迺亦有衷問 兹余盜爾實天子明命惟收爾司生爾戮爾惟閱實爾 成哉溺那 · 5 曰嗟那士爾來聽余曰念厥初余與爾生均天子師 爾稼穑余食爾桑余衣余弗宅爾若余嗣爾亦有咨 刑戒贈汝信推寧國 1111 3 東州河隔 有淪胥以光訟擊非祐惟

一新好世月 全書 一条酌监司籍列郡郡籍屬邑統而上之吏部加城否核 說爾貌弗匿于聽爾詞弗匿於稽爾故弗故爾親弗親 余實相嗣字輸上 代之自方岳朝儀不舉而中丞繡衣使者代巡轍歲 **余罔有績嗚呼戒哉戒哉** 郡置而守以易侯今之守古之 侯也古侯以瑞輯 心避者水爾弱爾尚率自迪予弗敢易易復於天子曰 循良私籍 |備畴克爾私嗚呼戒哉惟刑若火爾 巷 今籍

實俟出入展觀餘而點防幽明依繫也若吾郡侯華亭 人でううとはつ 味又知其不自盡也按籍者不能盡自籍者不肯盡盡 宋公其循良偉績果籍之能盡乎籍自侯置而為謙 之清又分帖武車委責私佐得而紀之也所謂籍者籍 子所承也訟獄剖决幾何案牘吏所執也倉庫儲峙幾 所未盡匪邦人之責何居良勝無似識侯自布衣時尤 一盡也候來吾郡方二稔贏其於學校與舉幾何師弟 横典輩所司也户口之增收養之密供億之便戎伍 東洲初稿

者侯初以郡隸藩封連案輒經歲月守名益大而民亦 乎是侯宣盡是也哉兹故得而私籍之也必欲盡侯須 虚 1勞故謹事賢王謙處左右事 相犯輒關白各繩以法 并旁午搜揚剪截成書傳又非所能特疏其大且奇 則治以重典貸以公果禱於方社探激龍穴祁祁 1而已侯之和也籍之去年春夏交旱應臨隆十室 張口待鋪庫聚村市刺於號叔相魚肉枕籍盈途 · 确矣不廢秋事今年再早再梅如之侯之仁 とうし

若攸攸恤恤侯視事如故戰守之具亦不弛隱然雅歌 籍之通以屬邑廣昌地庭園粵嘯聚此死抱鼓震為水 投壶風度果幕有鳥不敢深犯盖其智中成算無遺侯 侯濟之者博矣陳守之職此其大且奇者而侯之籍有 以智而否民不敢攘臂當轍則狐狸螻螾之不胰腦也 是哉然亦侯每自抑不欲為谹私聲價故邦人不得以 知也籍之嗚呼所謂守者守吾民也惟侯以和以仁 聞而監司不及知如知之則必上之使者而獎之旌 . 1111 東州刀高

卸灾四月全書 得兼味者耶則旗常之下尚有執孫呉之筆者在欲有 之至者而雜進以奇異小蟲水草辛酸苦酸雖蜇吻縮 敗之績嗚呼聖賢傳道之際其授受微矣若謂天所 洪範謂帝錫九疇於禹而震怒不畀於縣歸於治水成 所徵而後兹籍也不為私矣 亦得而籍之何以私為哉夫大養玄酒體節之為味 人有寫好之者亦其情也侯兹行若登天厨上 讀洪範 一供其

應之然非伏義不足以應也故曰圖為伏義出也然為 在天而應之人也應以天者惟其人應以人者惟其時 界所以不界其然哉夫道初無也以有天地而有有於 彼龍馬負圖八卦迺畫是道寓於圖伏義生當其時以 人而不遇其時者未有有其時而無人以應之者也故 先天而天弗違道在人而應之天也後天而奉天時道 之矣其著與微固有其時而著必有其人也盖有有其 天地天地則付於物物以呈文而道益者聖人成而應 ここうこ ここう 東州的隔

也 一多好四库全書 在矣有舜在矣天果為震怒縣而不界獨不錫堯舜 **飲爽倫則固也謂其專應治水功成而出某不知何** 之以瑞以昭其道也鳳與麟固非道也然則龜負文而 儀春秋成而麟至則道在人而著於韶與春秋故天應 ·轉叙亦龍負圖而八卦畫謂禹當其時足以應之 又謂以縣續弗成而震怒不界甚益不知為何如也 功以人成道以時顯若縣誠足震怒然當其時有 而出雖曰不為伏義而出亦可也至於部作而

次定四軍全書 四 洛龜呈瑞龜水族也固以類應之則河圖為伏義何功 而予奪者之所為殆恐天不若是之小也是道之所係 怒是人而不畀錫是人而畀之是亦市井小丈夫任情 則固非為怒鯀而不出矣况夫天本無心而有象若謂 人也故某曰雞書為九疇而出非為禹也非為禹而出 界之乎是知道以物而著者故自有其時當其時必有 固自有理數又不若感應災祥之論也傳曰治水功成 而出者乎然則箕子何為云爾允執厥中堯之道傳於 東洲初稿

整戒如是禮樂為邦孔子之道傳之顏淵必日鄭曆溫 也真子惟其人故得道之傳武王惟其人故真子以道 舜必曰四海困窮天禄永終是君臣之問其授受之際 重り 王盖以道之所在訪之若弟子矣故其云爾者亦警戒 王之投受後堯舜而先孔顔者雖其子不得而臣而武 /意也惟鯀匪人則不畀惟禹其人則畀之是天之意 之也亦天之意也然則道之所在天之 · 殆是師弟子之問授受之際警戒如是若其子武)所在非其

1.7.7

微示其意如此也故曰聖賢傳道之際其授受微也若 次定四車全書 一 夫聖賢之言固非淺陋所能窺亦非敢有所致疑於其 安也故不得如堯舜孔顏之名言語戒過托天之付畀 ·若是隱也當其時君臣之名未正而師弟子之分亦未 亦天也則武王所以得傳其道於箕子亦天也其所以 也此箕子所以不死所以不臣而必傳其道而不避者 示付託之重而欲武王承天之意有在矣然則箕子何 而傳則為逆天惟其人而不傳亦為逆天逆天者廢道 東洲初稿

當時只有樂人知其貧而顏子不知也若康齊不 間也 重りし 正德七年三月九日皇帝 以貧為言是未能真忘貧者也 玩此册康齊自是見道分明的人 漸有進盡其志則以顏子 紀行 ノニー 齊日録有感 貧而樂者自任但顏子 多於處困上 一做

欠已日月 三十 一首同行者至雜話遂已至二十餘里曰沙河河故有魚 累累子若婦孫若族屬盤崇宿莽而培之有哭有笑祝 故城也適野耕者方舉耜與耦有老有壯有童子老嫗 畢迺享雜以效侑嘆敝俗久之按轡索詩得五言律五 往飼載相耦以牛以騙或代以馬ө中有表木者畫塚 人競為名味時方酒未見也又十里至玄福觀下馬心 東法得從出郊行里許上崖若削甕延亘無紀元氏 一道士迎入甚禮言亦文供茶吗數糗及脯而去十 東洲初稿

意即郭守敬欲歲省僦車錢六萬緣而開者薄晚至昌 金少世尼白書 矣裔亦弱馬指劉黃祠拜之申夙懷也夜樂燭與同館 石半亂去年為澤水所激未葺又數里橋四獲曰朝宗 平縣城卒甚嚴警入館穀於范姓者問實氏宅日今墟 里至清河村市輳集石橋五甕有碑樹其旁曰安齊岸 行數里近見山趾影影黄屋耀日光知陵在矣近神道 四 下水流如帶自玉泉黄花口出抵通州合路而 人劇談古今人事勞且困就即甚適次日起職食 巷 入海

健齒騷筝肉如生武將文臣各四對服筋器具如朝儀 道左右列石獅子麒麟角端泉馬驝駝伏立各 以琉璃砌門之前樹石柱二高與門並天柱也門之後 萬仰近首字細密不能讀又里許至櫺星門門六根壁 復限以門三甕如常制又里許至七甕橋又里許至五 雲四面虚禁以未開可登級不可入內立文皇功德碑 交陰松相夾植而序及門門三甕不時闢至者必下馬 垣左耳門以入更不敢就道避尊也又里許亭翼入 ji 111 見州刀高

多元 甕橋河非故流以洩潦水久無雨可通人馬行故自橋 (過尚欲鉤衣帽又數里復上下 登岸及小坡横裏如伏城抱入下則樹壓在道馬背 孫子世其張子振之輩步履望中隴而上是為長陵 者 里即山麓西見垣屋 制獨偉示有尊也緣獨而登有臺而砥有道如矢左 四角全書 區曰神功監凡管造肆也又 西 如之至則少愈命僕從備膳記與同官具子敬 區曰回龍殿梓宫待日所 小坡如前延望岩數 區曰東朝房處有

院窥之殿陛如朝制少殺以上為明樓樓絕額以金 脉隆隆融融蜿蜒磅礴王氣所鍾信也左曰景陵右曰 獻陵裕陵茂陵泰陵各據 字可望而識之又内為靈所閥亦土封也然環以城可 三甕惟祀則闢以迎神耳門二通守視者掌鑰甚固自 不可近循城而登欲窮其站而陡峻不可攀視其十 區治性所也右 | 葉密可敬雨枝欲墜扶以他木上為門 區文皇省工坐其處志寓也喜

次足四年 公生

東洲初稿

罕

為瀑濺而為緩組練縣越波滴洞射若雪屋水谷之積 名也舒徐行夷若萬鶴之棲鸞鳳之儀淵魚冰游而鈎 志可按因周視而模其形與勢若展可負而立若座可 倾岩虎豹之蹲熊驅之馴幽怪瑰琦雜然而陳者且無 千年萬戀蠢砌如城如郭如環如玦撐突崩悉嗟岈歌 據而安若案可對而食若裀若褥可優然而卧其上也 不擾其適也其源流軍會于于云云燕而為雲瀉而 八所藏分列旁隴示有别也凡山川之名勝 灰三日月 A. 香 其類耶次日歸而紀之是為十有一 所出因嘆曰今而後可以已吾之觀矣是觀也自生未 欲分趨班而入畢祀事月影在地歸騎如雲若不得其 真性皆非恒見者信其得所托而然也於山川之勝亦 有也奇也大也他尚何觀馬朱子曰冀州有大風水此 良有益也哉日色既薄不能速究具冠服坐樹下 '並濟至若草木依麗竒態怪狀不以斤斧牛羊損其 東洲初稿 Ð 型

來莫知去去莫知來進止起伏舉若同舟遇風而胡越

蜒揃激呀飲而盖 金分口月百言 葵何術有二家說戀頭主五行天星合四垣金而寫 免丁直少微異辛直太微二主定脉審氣而納干 而節水而垣曲火而觜土而角骨爾形勢則扶與蛇 類耳腰臍受之 擇獒 取其静地氣應天乾坤坎离為亢極震見 就其異而會於 「粘倚撞穴之壬亥直紫微艮丙直

容室而處食予為解之天星書最古多裔窈幽眇匪 欠已回見公司 戀頭數也二家本相善而不相能者業者罪也非術罪 賢大道理大議論莫窮其際驗之事亦或不副其占如 患之說也惜夫各業其一不通如枘鳖叫嗷舐訾不能 也噫天下本無術予非為術者辨術之行顧非嗣嗣於 今之知易者幾至如梅花枝數稍知字義亦能推測 人不行巒頭行簡便惟憑眼力人可為也譬之易益聖 知數之多初不可以病易而數固原於易天星易也 東洲初稿

一歲月不厭不各其志固以徼福而先人死骨亦妥而陸 寓 安得不擇雖然惟學有術惟學擇之泥於術必非學者 借使微此術有委溝壑而不睨者第其問妄意希天必 期淫福暴觀浹自紀而未能就上又大可哀也是作 之孝者此析累人子 知巧博衣食而於名教無關係世有與戲 故間隙相視泰越沒而營奏則美棺 術者問其書則句讀未了析何有於義理驗 之孝者此術予安得無辨 小兆延街 へが父 母

金分四月百十

山曰鎮謂可依而安也川曰浸謂其畜而澤也率職放 城與其知學而欲兼術也作擇獎歸之以廣其志云 慎所擇也李生達貫以世術通儒家故遠致為先君 樣歌曲按調嘲謔奇中有儒生未能者是可怪也尤當 **扦法亦或可觀循市兒不識丁字而登場傀儡談諧百** たこり国と前 名山大川暨英烈正神曰盖聞古者肇州必封山濱川 正徳十二年夏四月廿五日良勝謹齊沐具疏躬告於 祈雨告文 東州初稿 四十三

飚迴 金好四月百言 涸 靈是用康人以散常事屬者旱魃作崇禱請益騎雲台 辱噤不能詞伏竊計之地荒穢不治士之辱也山童澤 話而可回也神斯聽之今兹旱傷未止千里絕流 國之憂也又真天地至仁終無絕物父母於逆子雖 速盈罰仰企山川鳩靈徒生無藉手以相見是懼是 雨鳴虹止良勝實不德不能導即宗黨祇行以媚 下致奸和氣又不能贊翊吏治蠲潔以格於神 膏班更偏羣礼禮詞告度民空四郊跷副滋病 答

飲定四軍全書 事耳又多靈湫神龍居之有巫沈鐵臭其宫隨獲對足 以自庇乎又聞名山多烈神闔闢造化雨賜攸柄迺餘 天苟不雨髮焦身然河神以水為國以魚鱉為民天尚 雖百死不足惜也但晏子有云山以石為身草木為髮 而甘澤以大体命若繼今以往五日不雨枯槁之苗既 不雨國亡而民滅矣神果無意於吏者民也將不圖所 死粒食之望必虚民無以為生吏何以致理若良勝者 用敢齊被致詞歸誠徼惠幸神顧而哀之宥愆納悃沛 東洲初稿

亟 終棄絕亦念聖祖定國報祀有章山川暨英烈正神各 **祈孰岩順而應於** 食於土亦以維神 竊謂或然而不敢施者龍果神其威靈與其奮而叔 云負大禮嗣行神執何詞以往幽 贖業包惟屏罄室以需極命謹告 天子致郊百神受職若兹澤既不流安無足恃神職 庶其沃澤以綏吏若民以為承天子之 加則以莫外 八升兹請命以俟應響百兩司靈果 服世世享祀昭答在兹 明點防當為 理幸

国り

次足り事とき **肹蠁雖然有誠斯神祭則受福** 兹沃澤功何能名貪天之功刑曰無上記云禱祀格於 龍神其羣美集厥靈以啟玄冥江南一夜富莫與京 者可好秋成之望庶其可預小人 停蓄化機西爾惟澤通氣惟山出雲惟忠烈奮其英蛟 惟天陰隱下民當旱暵而賜之雨祁祁入土以徐而裕 **承白蹢矣桑栖于距我疆我里既未既耜偃者可樹秀** 謝雨文 東洲初稿 路訓具在敢不祇肅 釋愛君子燕處陰陽 罢

越宿居僧觸禁囊頭乞貲宛然夢時後巡避辭曰是在 漢流繁星呼我同人罔愛以驚夢語瀆告協應嘉穀是 謂咸陟母問大卜迺登崇岡迺臨淵谷羞文告哀待命 勝方陳齊次情鬱弗指夢械枯人比膝而訴攬衣迺 非薄冥頑問覺神遐不遺囿于大原矧若守吏然民精 有司側我心思霡霂以滋宣神致期示若以私顧孤弱 河羣飲自足豈以焦沃而云我獨祈則有報 移周街弗施罔力弗戮天惟忱斯契威在凤神岩

先大夫諱泉席父兄之訓以能文飭行為鄉人先比舉 久已回尾 之后 卒之取必即臣董奇兵秘策夜歷海澨縛渠魁而人 蘇州府事廉而惠毅而有忠因革宜於上下者以時敘 有司春秋經義第 您的各神休永惠萬年 浩敏強雅頌田畯以勞而方息斯老到年擊鮮終祈弗 一海孽弗靖守臣請命治之曰撫曰捕對决惟畢所見 乞收誥勅事畧奉贄南屏先生 一試南官不利者五勉就選次通 東洲初稿 罕六

者三旦曰引疾求退恬静可尚為請進階奉訓大夫加 老疏下太宰許公主奏剝謂積日未及考而捷書有録 金分四月全書 言脅從問治得以活者萬餘人暨功上方議賞格而請 罔内顧故能肆力事事年二十四卒良勝方二歳大夫 五品服以章有功誠異數也歸則日伍山水為樂逾年 而卒先母王有懿行治家以儉約二宗女師之而大夫 知也議者以擬入蔡之功時尚功者欲就屠之廼抗 日同公食為痛甚繼母王類如吾母若字良

久已四年公 勝革則不知吾母也先大夫數月而卒先妻趙足 可痛也繼妻黄柔順亦可備其帶良勝尚禄且三年 殿罰得請 の弗肖大夫多矣方 東洲初稿 資以助而客願於邸 聖七 嗣

7.				 	
東洲初稿卷					金安以及台灣
太一					
					卷一
			ļ		
		<u></u>			L